



Makhulu na Vhitsi

Tshivenda

Pandelani Claudine Rambau



Makhulu na Vhitsi

Yo nwalwa nga Pandelani Claudine Rambau
Mufanisi Heidel Dedekind



NYELETSHEDZO KHA VHADEDEDZI NA VHABEBI

1. Bugu hei yo lugela vhana vha miñwaha ya u (bva) thoma **6** u swika **8**.
2. Hei bugu i na maipfi a **479**. Kha vha nange maipfi vha ite garaṭa dza u vhala nga mabogisi kana mabambiri a kale.
3. Vha shumise garaṭa idzo u ita uri vhana vha vhalele nṅha.
4. Kha vha shumise founu, kana watshi, kana tshikala-tshifhinga u vhala maipfi ane ñwana a kona u vhala nga munithi muthihi. Kha vha zwi ñwale fhasi, vha zwi sedze vhege inwe na inwe u vhona arali tshivhalo tsha maipfi ane ñwana a vhala nga munithi tshi tshi khou engedzea.
5. Kha vha humbele ñwana a vhalele nṅha tshipida, vha mu vhudzise uri a ṭalutshedze mafhungo a re kha tshipida itsho.
6. Kha vha shumise zwi re kha mafhungo u vhudzisa zwi no khou bvelela kha bugu iyo.

Liñwe ðuvha makhulu vha tshi khou
kuvhula mavhele ha ða kumange.
Kumange uku kwo vha kuna mavhala
matshena na matswu.
Makhulu vho vha vha sa ðivhi uri
kumange ku bva ngafhi.
Vha ku litsha kwa swika tsini navho.



Makhulu vha ku vhidzelela vha ri,
“Vhitsi, Vhitsi!”

Kuḽa kumange kwa ri, “miawu! Miawu!”
Ku tshi khou sendela kha makhulu kwo
imisela mutshila nḽha.

Makhulu vha ku takula, vha tshi kho
sokou ri, “Vhitsi! Vhitsi!”





Makhulu vha vhona uri ku na ndala,
vha ku sukela vhuswa na mafhi.
Vha ku nea kwa ja kwa fura.
Kwo no fura kwa mbo di edela tsini
na makhulu.

Liñwe ḍuvha vho vha vha tshi ku
sukela muthotho na vhuswa.

Vho vha vha tshi ku ñea na marambo
uri ku kukune.

Vhitsi a kwo ngo tsha dovha kwa tuwa.

Li tshi kovhela kwo dzhena nduni kwa
dzula fhasi ha tafula.





Vhitsi tsha aluwa tsha vha tshimange
tshihulwane.

Liñwe duvha tsha vhulaha mbevha
ngomu nduni.

Makhulu vho takala nga maanda musi
Vhitsi tsho vhulaha mbevha.

Mbevha dzo vhangwa nga mavhele e vha
panga masagani.



Makhulu vho ya vha rengela Vhitsi kubete
kwa u eḁela khakwo.

Vho dovha vha tshi ambadza nguvho uri
tshi si pfe phepho.

Vhitsi tsha thoma u eḁela kamarani i re na
mavhele.

Vhege i tshi fhela tsho vha tsho vhulaha
mbevha dzoṭhe.



Musi tshikolo tsho vala Unarine, Lifa, Athi
na Wanga vho dala ha makhulu.
Vho vha vha tshi funa u tamba na Vhitsi.
Athi o vha a tshi funa u tshi fha zwiliwa.

Nga Khushumusi Vhitsi tsho n̄ewa
zwiliwa zwinzhi.

Heḷo ḍuvha tsho ḷa n̄ama fhedzi, ngauri
yo vha yo ḍalesa.

Athi o lingedza na u tshi n̄ea masimba na
maḷegere tsha si a ḷe.

O vha a sa zwi ḍivhi zwauri zwimange a
zwi ḷi masimba na maḷegere.





Khushumusi yo fhira, vhatu vho renga dzi khirikhethe.

Musi hu tshi khauliwa ñwaha vhatu vho thuthubisa dzi khirikhethe.

Ha pfala, “Thuu! Thuu! Hepii! Hepii!”

Vhiti tsha gidimela fhasi ha mbete tsha dzumbama.

Nga matsheloni Makhulu vho ɽoɽa Vhitsi.
Vha vhidzelela, Vhitsi vha sa tshiwane.
Vha vusa vhaduhulu vhavho uri vha thuse
u tshi ɽoɽa.
Vha sedza hune tsha eɽela hone vha sa
tshi wane.





Vhitsi tsho wanala tsho dzumbama fhasi ha mbete.

“Vhitsi! Vhitsi!” Hu vhidzelela Makhulu vha tshi khou tshi takula.

Makhulu vha ri mmbwa na zwimange zwi a ofha dzikhirikhethe.

Vhitsi tsho thoma u takala ngauri ho vha hu si tshe na mithuthubo.

U DZHIELA NṬHA

Yo ṅwalwa nga
Pandelani Claudine Rambau

Mufanisi
Heidel Dedekind

Mudzudzanyi 1
Mukondeleli Constance Nḁmbahe

Mudzudzanyi 2
Ndivhuwo Mulaudzi

Muoli
PixelPing Design



ISBN 978-1-920702-05-2



basic education

Department:
Basic Education
REPUBLIC OF SOUTH AFRICA



•• NATIONAL
•• EDUCATION
•• COLLABORATION
• TRUST